

Muskox Nickel Nanminiuyuq Ayuqnaittunut Naunaitkutat

Taamna Muskox Nickel Nanminiuyuq (taamna “Nanminiq” taamnaluuniit “Havaaghaq”), nanminiuyuq aulapkaqtitaupluni taapkuninnga SPC Nickel Kuapuriissat. (“SPC” taamnaluuniit “Kampani”), nalvaaqhiuqvilik 12-nik uyaraghiuqvingnik aktigipluni 14,893 hectares-nik malrungniklu (2) nalvaaqhiurniqmut angirutinik aktigiyumut 30,350 hectares-nik. Nanminiuyuq aviktuqhimayuq Tununnganiittuq Kikliluiqhimayuq, nayugalik talvani Kanatani Nunaulyaliqiyit Havakviinit (“NTS”) nunauyarnit: 86O03 taamnalu 86J14 qitqaniittutiklu 574,500mE, 7,427,000mN, North American Datum (North Amialikami Naunaitkutait) 1983 (“NAD83” Universal Transverse Mercator (Nunauyarmi Nunainnakkut Paqitjutit) (“UTM”) Avvaq 11, Hivuraaniqmilu Kikliluiqhimayumik, takughauyut talvani NTS nunauyautainit: 86J02, 86J06, 86J07, 86J10 taamnalu 86J11 (qitqaniittuq taimaa 591,600mE, 7,373,000mN, NAD83 Avvaq 11). Taamna Tununnganiittuq Kikliluiqhimayuq nayugalik talvani 100 km hivuraanit Haamlangat Kugluktuk ilangalu kipuhiutivaktuq Inuit Nanminiinut Nunanut (“IOL”) qaanganirmiunik CO-52 taamnalu CO-60. Taamna hivuraaniqmiuyuq kikliluiqhimayuq, nayugalik tamaat Kuin Kivgaqtiin nunautainit, ungahiktigiyuq 20 km hivuraanit Tununnganiittuq Kikliluiqhimayuq hanguvaghuni talvunga Nunavut – Nunattiaq kiklianut.

SPC tajja parnaiyaiyut 1 week-mik nunainnarmi havaaghainit aullaqtiqluni July qitiqqukpat ihivriuqtiqarlutik pulaaqtarlugit tamangnik Tununnganiittuq Hivuraaniittuqlu Kikliluiqhimayut. Nunainnaqmi havaaghait aullaqtitauvangniat Haamlanganit Qurluqtumi halikaaptakkut aullaqpaklutik upluq tamaat havakvianut. Havaaghait iniqtauniaqtut SPC-kut havaktiinit (tajja pingahuuniarahugiyauyut) nalvaaqhiurniaqhimayut katitiquklutiklu qaanganirmiunik uyaqqanik ihivriuqtaghait, tautuqhutik nunanut naunaitkutaghanik ilihimayauyunik uyaraghiuqvingnik, manighiurutighat taapkuatut piksautit qunngialiukkallu, taimaalu hivunighami nayugaqvighaqhiuqhutik.

Tughirautauyut havaaghat halikaaptanik ikayuqtiqarniaqtut ilaanilu milvighaqaqtughat. Uqhiqtuqtauvangniaqtuq Qurluqtumi. Ahiagut ingniqutituqtunik ingilrutiqalaittut. Ihuaqhainahuariamik ihuilutauniaqtunik anngutighanut, halikaaptat qangatavangniat ikiniqhakkut 610 m-mik (2,100 ft) qulaani nunap kihimi mittaqtumiarumi, aullaqtirniarumi ahiagulluuniit iharianaqqat atpakittumik tingmiyaamik (taapkuatut tingmiplutik qauyihaiyut). Anngutighat qaklittailinahuaqtait taamnalu halikaapta mittaqturahualaittuq anngutighaqarumi kihimi irininaqtuqaqqat.

Havaktuqalaittuq kuinginnautiniarumik tuktunut kulavangnut nurraqnullu, uyaraghiuqtunillu ahikkuuqtittilaittuq ingilrayunut tuktunut. SPC-kut tuhaqtittivangniaqtaat taapkua Qitiqmiut Inuit Katimayit (KIA) aallallu ilauyumayut havaqatigiit, tuktunik takuhiuqtut mighaagut ingilraviiniklu havakviat haniani.

2022-mi havaaghanit uqhughanik tutquumayariittut Havaaghanut, kihimi hivunighami havaaghat mikiyumik tutquumayakaffuqarumaniat (< 4,000 L-nik 9-nikluuniit qattaryungnik) atuqtaghainik havaaghainit. Iharianaqqat, uqhughat tutquumaniaqtut Kuin Kivgaqtiit nunautainit, tutquumalutik ihuaqtumi hauhimayunit taapkualu Kuin Kivgaqtiit Nunaqaqqaqhimayut Ukiuqtaqtumiut Ikayuqtiit Kanatami (“CIRNAC”) tuhaqtitauniaqtut havaligtinnatik. Kitukiat uqhughat

tutquumayughat ihuaqtunik halummaqtirutiqarniaqtut kuviyuqarniqqat. Halikaaptat uqhughanik kuviyunik halummaqtirutiqarniaqtut uhiyarviinit aullaqtirahuaangat mittaqturahuaraangallu. Kuvihimayut katitiqtauniaqtut iqqakuqtauluni ihuaqtukkut talvani Haamlanganit Qurluqtuq.

Nalvaaqhiuqhutik havaaghaqarniat ahiagut taimaa hiqupluqtirihimaittumik nalvaaqhiuqlutik taimaa nunami tingmiplutiklu nunamik qauyihaiplutik nunamiklu/hauhimayumiklu qauyihaiplutik. Havaaghat aullaqtitaunnatik ukiuni atuqtughanit tamangnik aulapkainiqmut atannguyait tuhaqtitauniaqtut tuniyaulutik nutaannguqtiqhimayunik havaaghanut parnaiyautinik naunaitkutaniklu. Ahiagut havaaghanik tughiraigumik ihuaqhaqtauyughanik angiqtauyughaniklu, taapkuatut tupiqaqvighamik ikuutariamikluuniit, SPC-kut qilamiuqlutik hanaqinahuqniaqtait ihuaqhautighat taapkualu/uniit nutaat tughirautit nunamik atuqtitaunimut taapkualu/uniit imaqmut laisiutit ihuaqtunik havaaghainut.

Katimavighainik Haamlatkullu Qurluqtumi, Anguniaqtit Naniriaqtuqtillu Katimayit inuillu tajja parnaiyaqtauliqtuq iniqtauyughat havaligtinnatik.


Apiqhuutighaqaruvit ihumaaluutiqaruvilluuniit, hivayaqlugu Grant Mourre talvani SPC-kunnit (705) 669-1777 naqillugu. 207 titiraqluguluuniit gmourre@spcnickel.com taamnaluuniit Tara Gunson talvanngat APEX Geoscience Ltd. talvani (780) 467-3532 titiraqluguluuniit talvani tgunson@apexgeoscience.com.

Pittiarnikkut,




Grant Mourre
SPC Havighiuqtut Kuapuriissat.

Piksaut 1. Havaagham Nayugaat



Piksaut 2. Havaagham Hania



Piksaut 3. Tughirauteauyuq Nalvaaghiuqtit Ihumagiyaat

